

庶物類纂

果屬

自四十五至四十七

容

太政官文庫			
和書門	特別	一	二
	三	六	二
	函	署	五
類	號	架	冊
		四	六
		五	

內閣文庫			
番號	和	32362	
冊數	465(433)		
函號	特	54	1

共十九



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale




© Kodak, 2007 TM: Kodak







Vertical text on the left edge of the left page, likely a page number or index marker, appearing as a series of small, dark, rectangular blocks.




庶物類纂果屬卷之四十五目次

紫葡萄

水晶葡萄

馬乳葡萄

野葡萄




庶物類纂


卷之四十五

果屬目次






紫葡萄



本草綱目卷之五

果屬 紫葡萄 一



紫葡萄

河東葡萄有極大者惟土人得啖之其至京師者百

二子紫粉頭而已

宋陶穀清異錄

紫葡萄黑色有大小二種酸甜二味

明徐光啓農政全書

蒲萄青紫二種藤生架引

泉州府志

唐物類集


卷四十一

果屬

紫葡萄


二





水晶葡萄

一名白蒲桃  
五雜組



果屬

水晶葡萄一

水晶葡萄

水晶葡萄、暈色帶白、如著粉、形大而長、味甘、明徐光啓農政

全書

西域白蒲桃、生者不可見、其乾者味殊奇、甘、想可亞

十八孃紅矣、明謝肇淛五雜俎

葡萄白而圓者名水晶、江陰縣志

葡萄有青紫二種、形亦有圓銳之異、青者名水晶葡

萄、其味尤勝、重修鎮江府志



馬乳葡萄

庶物類集 卷四十五

果屬 馬乳葡萄 一



馬乳葡萄

馬乳葡萄色紫形大而長味甘明王蓋臣二如亭群芳譜

唐太宗破高昌收馬乳葡萄種于苑中併得酒法仍

自損益造酒成綠色芳香酷烈味若醍醐南部新書○同上

葡萄今有二種紫者名馬乳白者名水晶吳邑志云

葡萄熟時紫黑有漿然其顆不大又雜以青紅江南

產終不如北明周文華致富全書

葡萄白而圓者名水晶紫而長者名馬乳江陰縣志

庶物類纂

卷四十五

果屬 馬乳葡萄二



野葡萄

一名蔓菓本草 一名山葡萄嘉祐補註本草 一名煙  
 黑救荒本草 一名水龍本草綱目 一名車鞅藤齊民要術

俗名異孺勿禿胡山城州



野葡萄

野葡萄俗名煙黑生荒野中今處處有之莖葉及實俱似家葡萄但皆細小實亦稀疎味酸救飢採葡萄顆紫熟者食之亦中釀酒飲救荒本草

野葡萄一名蘗蕒一名山葡萄蔓生苗葉花實與葡萄相似但實小而圓色不甚紫亦堪為酒明王蓋臣二如亭群

芳譜

野葡萄生諸山中子細如小豆色紫蓓蘂而生狀若葡萄蟠之高樹懸挂可觀明王仲遵花史左編

果屬 野葡萄 二



蓊蓊 音嬰

多生林野間四散延蔓其葉並花實皆與

葡萄無異但實小而圓色不甚紫而味亦佳毛詩云

六月食蓊即此也 清陳淩子祕傳花鏡

蓊蓊果名一作燕蓊廣雅作嬰舌俗名山蒲萄野蒲

萄藤名木龍 清虞咸熙諧聲品字箋

庶物類纂果屬卷之四十六目次

簡子

木饅頭

獼猴桃

燕覆子



蒲子

一名侯騷  
廣志

俗名莫別  
近江州

果屬

蒲子

一



簡子

簡子藤生緣樹木正月二月華色四月五月熟實如  
梨赤如雄雞冠核如魚鱗取生食之淡泊甘苦出交

趾合浦後魏賈思勰  
齊民要術

侯騷蔓生子如雞卵既甘且冷輕身消酒廣志言因

王大僕所獻唐段成式  
酉陽雜俎


予往歲在大理與姜孟賓讀蕭子雲賦有長卿晚翠  
簡子秋紅之句孟賓吳人博學予舉以問日長卿則  
草中徐長卿藥名是也簡子亦必草木名出何書耶



孟賓亦不能知呼取本草徧檢之無有也近觀齊民要術云蘭子藤生緣樹木實如梨赤如雞冠核如魚鱗取生食之淡泊甘苦乃知子雲引用必此物也聊筆于此王應麟嘗言得一異事如獲一真珠船恨不與孟賓散佚共欣賞耳明楊升菴文集廣志云侯騷蔓生子如雞卵既甘且冷輕身消酒又名蘭子藤齊民要術云蘭子藤生緣樹木實如梨赤如雞

冠核如魚鱗取生食之淡泊甘苦蕭子雲賦長卿晚翠蘭子秋紅用此楊升庵說蘭子而不及侯騷蓋未致廣志耳明陳懋仁庶物異名疏謹按楊升庵引齊民要術及廣志明侯騷簡子為一物也詳見于全集中陳懋仁以升庵說簡子而不及侯騷蓋似不善讀升庵全集也簡子味甘平無毒主中惡氣飛尸邪蠱心腹卒痛狂邪鬼神鬼疫温瘧夢寐邪惡氣心神顛倒不寧昏冒如癡明李東壁食物本草

如癡明李東壁食物本草





侯騷子味甘寒無毒食之不飢延年強健消酒除溼  
治黃疸小便不利色黃如金口渴煩熱齒痛牙宣出  
血不止同上

謹按廣志侯騷又名簡子藤則一物也諸書中多  
分為二種蓋未之考耳

簡子出自合浦及交趾藤蔓緣樹木而生正二月開  
花四五月實熟如梨赤如雞冠之色核如魚鱗其味

甚甘美清陳湜子  
秘傳花鏡

侯騷子蔓延而生子如雞卵既甘且冷王太僕曾獻

之能消酒除溼輕身延年同上




木饅頭

一名薛荔本草拾遺 一名木蓮同上 一名鬼饅頭草本

目綱

俗名異佗皮筑前州





木饅頭

薜荔黃綠樹木三五十年漸大枝葉繁茂葉圓長二三寸厚若石韋生子似蓮房中有細子一年一熟子亦入用房破血一名木蓮打破有白汁停久如漆採取無時也

唐陳藏器本草拾遺

薜荔與此極相類但莖葉麤大如藤狀近人用其葉治背癰乾末服之下利即愈木蓮夏大如絡石其實若蓮房能壯陽道尤勝

本草圖經絡石條

圖經云薜荔治背癰晟頃寓宣興縣張渚鎮有一老



舉人聚村學年七十餘忽一日患發背村中無他醫急取薜荔葉爛研絞汁和蜜飲數升以其滓傅瘡上後以他藥傅貼遂愈醫者云其本蓋得薜荔之力乃

知圖經所載不妄宋唐慎微證類本草

木蓮子如胡桃紫色宋范成大桂海虞衡志

木蓮延樹木垣牆而生四時不凋厚葉堅强大于絡石不花而實實大如盃微似蓮蓬而稍長正如無花果之生者六七月實內空而紅八月後則滿腹細子大如稗子一子一鬚其味微澆其殼虛輕烏鳥童兒

皆食之明李東璧本草綱目

薜荔好敷岩石與牆上紫花發後結實上銳而下平微似小蓮蓬外青而內有瓢滿腹皆細子霜後瓢紅而甘烏雀喜啄兒童亦常採食之謂之木饅頭但多食發瘡清陳湜子秘傳花鏡



獼猴桃

一名藤梨嘉祐補本草 一名木子同上 一名獼猴梨  
 一名陽桃本草綱目 一名毛桃梨吳文炳食物本草

俗名也埋柰識筑前州



獼猴桃

獼猴桃味酸甘寒無毒止暴渴解煩熱冷脾胃動洩  
 辟壓丹石下石淋熱壅反胃者取汁和生薑汁服之  
 一名藤梨一名木子一名獼猴梨生山谷藤生著樹  
 葉圓有毛其形似雞卵大其皮褐色經霜始甘美可  
 食枝葉殺蟲煮汁飲狗療癘也嘉祐補註本草  
 獼猴桃今永興軍南山甚多食之解實熱過多則令  
 人藏寒洩十月爛熟色淡綠生則極酸子繁細其色  
 如芥子枝條柔弱高二三丈多附木而生淺山傍道



則有存者深山則多為猴所食宋寇宗奭本草衍義

獼猴桃其形如梨其色如桃而獼猴喜食故有諸名

閩人呼為陽桃明李東璧本草綱目

謹按五斂子亦名陽桃名同而實異

獼猴桃俗名毛桃梨吳文炳食物本草

獼猴桃一名陽桃生山谷中藤著樹而生枝條柔弱

高二三丈葉圓有毛花小而淡紅實形似雞卵十月

爛熟色綠而甘獼猴喜食之皮堪作紙今陝西永興

軍南山甚多清陳湜子秘傳花鏡

燕覆子

一名通草神農本草一名附支同一名丁翁名醫別錄

一名蓄藤同上一名烏覆唐本草一名畜蓄子本草

拾遺一名孛子同上一名猴蓄同上一名王翁萬年

嘉祐補註本草一名桴棧子食性本草一名萬年藤綱目

俗名挨絜皮山城又名佗佗法近江州

果屬 燕覆子



燕覆子

通草陶隱居云今出近道繞樹藤生汁白莖有細孔  
 兩頭皆通含一頭吹之則氣出彼頭者良或云即菑  
 福音藤莖唐本注云此物大者徑三寸每節有二三枝  
 枝頭有五葉其子長三四寸核黑穰白食之甘美南  
 人謂為燕覆芳服切或名烏覆今言菑藤菑覆聲相近  
 爾嘉祐補註本草  
 通草生石城山谷及山陽今澤潞漢中江淮湖南州  
 郡亦有之生作藤蔓大如指其莖幹大者徑三寸每

無物類纂

卷之六

果屬 燕覆子 二



節有二二三枝枝頭出五葉頗類石韋又似芍藥三葉相對夏秋開紫花亦有白花者結實如小木瓜核黑瓢白食之甘美南人謂之燕覆亦云烏覆正月二月採枝陰乾用或以爲葡萄苗非也今人謂之木通而俗間所謂通草乃通脫木也

本草圖經

庶物類纂果屬卷之四十七目次

蓬蘽

小麥莓

薔薇葉蓬蘽

桑莓

懸鉤子

割田蔗

穉田蔗

蔗莓子



蓬蘽

一名莖爾雅一名缺盆同上一名覆盆神農本草經一名  
 陸蘽別錄一名陰蘽同上一名蘇蜜那花本草拾遺  
 一名莓本草綱目一名西國草同上一名畢楞伽同上  
 一名大麥莓本草綱目一名烏蘽子同上一名挿田同上  
 蘽同上一名栽秧蘽同上一名馬瘦同上一名陸荆同上  
 同蘇東坡文集一名挿秧莓蘇東坡文集一名秋膠庶物異名  
 上同一名挿秧莓蘇東坡文集一名秋膠庶物異名  
 名義物錫同上



俗名秃紫骨里異地哥  
州近江

蓬蘽

蓬蘽覆盆苗莖也。生荆山平澤及宛句。覆盆子舊不著所出州土。今並處處有之。而秦吳地尤多。苗短不過尺。莖葉皆有刺。花白。子赤黃如半彈丸。大而下有莖承如梯蒂狀。小兒多食其實。五月採其苗葉。採無時。江南人謂之莓。蓋其地所產。差晚。三月始有苗。八九月花開。十月而實成。功用則同。古方多用。亦笮其子。取汁。合膏塗髮。不白。按葉絞汁。滴目中。去膚赤有蟲出如絲線。便效。昌容服之。以易顏。其法。四五月候



其實成採之暴乾擣篩水服三錢匕安五藏益精強志倍力輕體不老久益佳崔元亮海上方著此三名一名西國草一名畢楞伽一名覆盆子治眼暗不見物冷淚浸淫不止及青盲天行目暗等取西國草日暴乾擣令極爛薄綿裹之以飲男乳汁中浸如人行八九里久用點目中即仰臥不過三四日視物如少年禁酒油麪本草圖經

謹按本經云蓬蘽一名覆盆其說甚明也亦不必分苗莖與實異名也後人別又有蓬蘽竟致聚訟

一種藤蔓繁衍莖有倒刺逐節生葉葉大如掌狀類小葵葉面青背白厚而有毛六七月開小白花就蒂結實三四十顆成簇生則青黃熟則紫黯微有黑毛狀如熟蕓而扁冬月苗葉不凋者俗名割田蔗即本草所謂蓬蘽也一種蔓小於蓬蘽亦有鉤刺一枝五葉葉小而面背皆青光薄而無毛開白花四五月實成子亦小於蓬蘽而稀疏生則青黃熟則烏赤冬月苗凋者俗名挿田蔗即本草所謂覆盆子爾雅所謂莖缺盆也

明李東璧本草綱目



謹按李東壁分蓬蘽覆盆為二種非也其所疏蓬蘽別是一種莓子類然非本經所說者也

覆盆子一名缺盆一名莖一名挿田蔗一名烏蔗子一名大麥莓一名西國草一名畢楞伽一名栽秧蔗處處有之秦吳尤多藤蔓莖有鈎刺一莖五葉葉小面青背微白光薄無毛開白花四五月實成子小於蓬蘽而稀疎味酸甘外如荔枝大如指頂栗紅可愛生青黃熟烏赤山中人及時采賣少遲則就枝生蛆食之五六分熟便采烈日曝乾不爾易爛氣味甘平


無毒益氣輕身補虛續絕強陰健陽悅澤肌膚安和五臟男子腎精虛竭陰痿能令堅長婦人食之有子

明王蓋臣二如亭群芳譜

製用采得揀淨擣作薄餅曬乾密貯臨時酒拌蒸用

○采時不見水取汁作煎為果著水則不堪煎同上

藥方付徐令去惟細辨覆盆子若不真即無效前者路傍摘者此土人謂之挿秧莓三四月花五六月熟其子酸甜可食當陰乾其子用之今市人賣者乃是花鴉莓九月熟與本草所說不同不可妄用想養子






已寄君猷矣與章質夫○宋蘇東坡文集

潭州宗室趙太尉家乳母若爛緣風眼近二十年有賣藥老媪過門云此眼有蟲其細如絲色赤而長久則滋生不已吾能談笑除之入山取藥晚下當為治療趙使僕陰尾之見媪沿道掇叢蔓木葉以手按碎送口中咀嚼而留汁滓於小竹筒內俄復還索阜紗蒙乳母眼取筆畫雙眸於紗上然後滴藥汁漬眼下緣轉盼間蟲從紗中出其數十七狀如先所云數日再至下緣肉乾如常人復用前法滴上緣又得蟲十

數家人大喜後傳與醫者上官彥誠遍呼鄰灰村婦病此者驗試無不立差其藥乃覆盆子葉一味著於本草陳藏器云治眼暗不見物冷淚浸淫不止及青盲等取此草日曝乾擣令極爛薄綿裹之以男子所飲乳汁浸如人行八九里久用點目中即仰臥不過三四日視物如少年但禁酒麪油蓋治眼妙品也明姑蘇俞弁續醫說

石藥爾雅覆盆子一名秋膠一名義物錫明陳懋仁庶物異名





覆盆子蓬蘽實也。苗短不過尺。莖葉皆有刺。花白。子赤黃如半彈丸。大其下有莖。承之如枹蒂狀。味甘酸。俗謂之莓。八閩通志

覆盆子俗名莓子。有二種。以二麥收時採之。因有大。小麥之名。大麥莓尤鮮肥。可噉。重修鎮江府志

小麥莓

俗名骨而埋。異地哥。山城州又名哥識。搖異地哥。同上



小麥莓

覆盆子俗名莓子有二種以二麥收時採之因有大

小麥之名大麥莓尤鮮肥可噉江重修鎮志

按雲南張侍郎南園漫錄云覆盆子初則黃熟則赤

黃味甘酸而深其芒微樹生枝而不甚高刺細而密

枝葉四時如一明俞弁續醫說



薔薇葉蓬蘽

俗名秃胡異地哥  
山城州

果屬

薔薇葉蓬蘽



薔薇葉蓬蘽

蓬蘽臣禹錫等謹按陳士良云諸家本草皆說是覆盆子根今觀採取之家按草本類所說自有蓬蘽似蠶莓子紅色其葉似野薔薇有刺食之酸甘恐諸家不識誤說是覆盆也

嘉祐補註本草



桑莓

一名箭爾雅一名山莓同上一名木莓郭璞爾雅註  
名樹莓日華子一名覆盆子同上

俗名骨華異地哥山城又名氣異地哥同上



桑莓

山莓一名箭郭云今之木莓也實似蔗莓而大亦可

食宋邢昺爾雅疏

箭山莓樹生其子可食俗呼桑莓莓亡救亡佩二反

宋鄭夾滌爾雅註

日華子云樹莓即是覆盆子嘉祐補註本草

樹生者名樹莓乾之各覆盆子元李杲食物本草



懸鈎子

俗名氣異地哥  
州山城

果屬

懸鈎子

一



本草綱目卷之七

懸鉤子

懸鉤樹生高四五尺其莖白色有倒刺其葉有細齒青色無毛背後淡青頗似櫻桃葉而狹長又似地棠花葉四月開小白花結實色紅今人亦通呼為薦子爾雅云箭山莓也郭璞注云今之木莓也實似薦莓而大可食孟詵大明並以此為覆盆誤矣明李東璧本草綱目謹按木莓與懸鉤自別也李東璧合為一亦誤蓬蘽曰覆盆曰陵蘽曰陰蘽今人謂之莓大小有數種有蔓生者有叢生者有樹生者惟叢生者大而可

無物類纂 卷四十七 果屬 懸鉤子 二



愛謂之蓬蘽其樹生者謂之覆盆子亦謂之西國草亦謂之畢楞伽爾雅云莛藨盆其鋪地蔓生者曰地莓爾雅云蔗蔗者地莓也宋鄭夾滌昆蟲草木略謹按鄭夾滌註爾雅云莛藨盆覆盆子箭山莓樹生其子可食俗呼桑莓其說不以山莓為覆盆則此云樹生者謂之覆盆子蓋指懸鉤子也未知蓬蘽覆盆為一物

割田蔗

一名沿鉤子李杲食物本草 一名寒莓本草會編

俗名勿由異地哥山城州



本草綱目 卷四十一

割田蔗

秋熟沿塹多刺名沿鉤子元李杲食物本草

機曰蓬蘽徽人謂之寒莓沿塹作叢蔓生莖小葉密多刺其實四五十顆作一朶大如盞面霜後始紅蘇頌圖經以此註覆盆誤矣江南覆盆亦四五月孰何嘗差晚耶覆盆莖粗葉疎結實大而疎散不似寒莓莖細葉密結實小而成朶一則夏熟一則秋熟豈得

同哉明李東璧本草綱目

蓬蘽藤蔓繁衍莖有倒刺逐節生葉大如掌狀類小

雜物類纂 卷四十一 果屬 割田蔗 二



葵葉面青背白厚而有毛六七月開小白花就蒂結實三四十顆成簇生則青黃熟則紫黯微有黑毛狀如熟莢而扁冬月苗葉不凋者俗名割田蔗即本草所謂蓬蘽也同上

謹按以割田蔗為蓬蘽誤矣

穉田蔗

一名茅莓  
本草綱目



耨田蔗

蔓小於蓬蘽，一枝三葉，葉面青背淡白而微有毛，開小白花，四月實熟，其色紅如櫻桃者，俗名耨田蔗，卽爾雅所謂蔗者也。故郭璞註云：蔗卽莓也。子似覆盆而大，赤色，酢甜可食。此種不入藥用。明李東璧本草綱目



蔗莓子

一名蔗爾雅 一名蔗同上 一名莓郭璞爾雅註 一名地  
莓鄭夾滌爾雅註

俗名紫而異地哥山城州 又名復胡賴異異地  
哥同上



蔗莓子

蔗一名鹿郭云鹿即莓也今江東人呼為蔗莓子似

覆盆而大酢甜可啖宋邢昺爾雅疏

謹按本草衍義云蓬蘽非覆盆也自別是一種雖

枯敗而枝梗不散蓋指蔗莓子也

蔗鹿地莓也多生園囿側子似覆盆亦可食蔗逋苗

反蔗平表反宋鄭夾滌爾雅註

蓬蘽覆盆子本草舊註曰覆盆蓬蘽一物異名今注

曰蓬蘽覆盆之苗覆盆蓬蘽之子則全誤矣衍義又



謂栗紅可愛則又指蓬蘽爲覆盆矣按雲南張侍郎南園漫錄云蓬蘽初則淺紅熟則深紫味甘酸而淡其芒長蔓生條而長甚刺大而稀雖枯敗而枝梗不敗覆盆子初則黃熟則赤黃味甘酸而深其芒微樹生枝而不甚高刺細而密枝葉四時如一張公博物之士據所見以證本草舊注之誤其功多矣古人有云誤注本草非細故也余特詳之

明俞弁續醫說

謹按南園漫錄所云蓬蘽亦指薦莓子也



Vertical text on the right edge of the right page, likely bleed-through from the reverse side. The text is arranged in several horizontal lines and is mostly illegible due to fading and the angle of the page.



